

第七二六冊

經濟彙編

禮儀典

宴饗部

巡狩部

(卷)

六三—五二

五三—二六

古今圖書集成

中華書局影印

古今圖書集成

卷一百一十五

# 古今圖書集成

中華書局影印

欽定古今圖書集成經濟彙編禮儀典

第二百八十三卷目錄

宴饗部彙考三

漢高祖六則 武帝元封一則 宣帝甘露一則 太始二則 元帝建昭一則

後漢總一則 章帝建初一則 世祖建武六則 明帝永平三則 章帝建初一則 安帝永初一則 延光一則 順帝永初一則 安帝永初一則 漢安一則 桓帝延熹一則 獻帝建安一則

魏總一則 明帝青龍一則 齊王正始一則 高貴鄉公正元一則 甘露一則 陳留王咸熙一則

吳主皓一則

晉武帝咸寧一則 太康一則 明帝太寧二則 成帝咸和二則 咸康一則 簡文帝咸安一則

宋文帝元嘉四則 明帝泰豫一則

南齊高帝建元三則 武帝永明四則 和帝中興一則 武帝天監一則 中大通一則 梁大同一則 太清一則 後主至德二則 宣帝太建三則

陳武帝永寧一則 宣帝太建三則 後主至德二則 宣帝太建三則

北魏道武帝登國二則 宣帝太建三則 後主至德二則 宣帝太建三則

北齊道武帝天保四則 宣帝太建三則 後主至德二則 宣帝太建三則

北周孝閔帝一則 天和二則 建德二則 武帝保定一則

禮儀典第二百八十三卷

宴饗部彙考三

漢

高祖四年十一月西入關至櫟陽存問父老置酒留四日復如軍

按漢書高祖本紀云云

高祖五年夏五月帝置酒雒陽南宮

按漢書高祖本紀云云

高祖六年三月上置酒封雍齒因趣丞相急定功行封

按漢書高祖本紀云云

高祖七年長樂宮成置酒置酒羣臣上壽

按漢書高祖本紀不載 按叔孫通傳漢七年長樂宮成諸侯羣臣朝十月至禮畢盡伏置酒諸侍坐殿上皆伏抑首以尊卑次起上壽觴九行謁者言罷酒御史執法舉不如儀者輒引去竟朝置酒無敢譴諱失禮者

高祖九年置酒未央前殿

按史記高祖本紀九年未央宮成高祖大朝諸侯羣臣置酒未央前殿高祖奉玉卮起為太上皇壽曰始大人常以臣無賴不能治產業不如仲力今某之業所就孰與仲多殿上羣臣皆呼萬歲大笑為樂

高祖十二年置酒沛宮大宴故人

按漢書高祖本紀十二年冬十月上破布軍于會亭還過沛留置酒沛宮悉召故人父老子弟佐酒發沛

中兒得百二十人教之歌酒酣上擊筑自歌曰大風起兮雲飛揚威加海內兮歸故鄉安得猛士兮守四

方令兒皆和習之上乃起舞慷慨傷懷泣數行下謂沛父兄曰游子悲故鄉吾雖都關中萬歲之後吾魂魄猶思家沛且朕自沛公以誅暴逆遂有天下其以沛為朕湯沐邑復其民世世無有所與沛父老諸母故人日樂飲極歡道舊故為笑樂十餘日上欲去沛父兄固請上曰吾人衆多父兄不能給乃去沛中空縣皆之邑西獻上雷止張飲三日沛父兄皆頓首曰沛幸得復豐未得唯陛下哀矜迺復豐比沛

武帝元封三年宴柏梁臺詔羣臣和詩

按漢書武帝本紀不載 按三輔黃圖柏梁臺帝嘗置酒其上詔羣臣和詩

按古詩紀元封三年作柏梁臺詔有能為七言詩乃得上坐 柏梁詩日月星辰和四時 帝驛駕騶馬從梁來 梁孝王武郡國士馬羽林材 總領天下誠難治 丞相和撫四夷不易哉 衛青 刀筆之吏臣執之 石慶 撞鐘伐鼓聲中詩 建德 宗室廣大日益滋 見 周衛交戟禁不時 衛青 宗室廣大日益滋 劉安 周衛交戟禁不時 衛青 宗室廣大日益滋 自為平理清讞決嫌疑 廷尉 修飾與馬待駕來 賈 郡國吏功差次之 趙充國 奏與御物主治之 少府 陳粟萬石揚以 箕 徵道宮下隨討治 執金吾 三輔盜賊天下危 盜阻南山為民災 右扶風 外家公主不可治 尹 椒房率更領其材 李廣 夷朝賀常舍其 柱杆櫛櫛相枝特 枇杷 橋栗桃李梅 走狗逐兔張果 誓妃女屑 甘如飴 追窮詰屈窮 東方 太始三年春正月行幸甘泉宮饗外國客

按漢書武帝本紀云云

太始四年置酒建章宮

按漢書武帝本紀太始四年春三月行幸泰山夏五月還幸建章宮大置酒赦天下

昭帝元鳳二年置酒未央宮

按漢書昭帝本紀元鳳二年夏四月上自建章宮徙未央宮大置酒賜郎從官帛及宗室子錢人二十萬吏民獻牛酒者賜帛人一匹

宣帝甘露三年饗匈奴呼韓邪單于于建章宮

按漢書宣帝本紀甘露三年春正月匈奴呼韓邪單于稽侯徭來朝置酒建章宮饗賜單于觀以珍寶二月單于罷歸

元帝建昭四年羣臣上壽置酒

按漢書元帝本紀建昭四年春正月以誅郅支單于告祠郊廟赦天下羣臣上壽置酒以其圖書示後宮貴人

後漢

後漢饗故衛士及正旦宴饗皆用樂唯十月旦如故事

按後漢書禮儀志季冬之月饗遣故衛士儀百官會位定謁者持節引故衛士人自端門衛司馬執幡鉦護行行定侍御史持節慰勞以詔恩問所疾苦受其章奏所欲言畢饗賜作樂觀以角抵樂闕閭遺勸以農桑

周禮曰府史以下則有胥有徒鄭元注曰此謂民給徭役若今衛士矣蔡邕曰見客平樂饗衛士瑰偉壯觀也

百官賀正月二千石以上上殿稱萬歲舉觴御坐前

司空奉義大司農奉飯奏食舉之樂百官受賜宴饗大作樂其每朔唯十月旦從故事者高祖定秦之月元年歲首也

蔡質漢儀曰正月旦天子幸德陽殿臨軒公卿將大夫百官各陪朝賀蠻貊胡羌朝貢畢見屬郡計吏皆陛觀庭燎宗室諸劉雜會萬人以上立西面位定公納薦大官賜食酒西入東出既定上壽計吏中庭北面立太官上食賜羣臣酒食貢事御史四人執法殿下虎賁羽林弧弓最失陛戟左右戎頭偏歷陪前向後左右中郎將住東西羽林虎賁將住東北五官將住中央悉坐就賜作九賓徹樂舍利從西方來戲於庭極乃畢入殿前激水化為此目魚跳躍嗽水作霧郭日畢化成黃龍長八丈出水遊戲於庭炫耀日光以兩大絲繩繫兩柱中頭間相去數丈兩倡女對舞行於繩上對面道逢切肩不傾又踴局出身藏形於斗中鍾磬並作樂畢作魚龍曼延小黃門吹三通謁者引公卿羣臣以次拜微行出罷卑官在前尊官在後

按南齊書禮志漢末蔡邕立漢朝會志竟不就秦人以十月旦為歲首漢初習以大饗會後用夏正饗會猶未廢十月旦會也東京以後正旦夜漏未盡七刻鳴鐘受賀二千石以上殿稱萬歲然後作樂宴饗世祖建武三年大會故人父老

按後漢書世祖本紀建武三年冬十月壬申幸春陵祠園廟因置酒舊宅大會故人父老

建武六年置酒賞賜諸將

按後漢書世祖本紀建武六年春正月楊武將軍馬

成等拔舒獲李憲二月大司馬吳漢拔胸獲董憲龐萌山東悉平諸將還京師置酒賞賜

建武十三年大饗將士

按後漢書世祖本紀建武十三年夏四月大司馬吳漢自蜀還京師於是大饗將士班勞策勳

建武十七年置酒舊宅賞賜宗室

按後漢書世祖本紀建武十七年冬十月甲申幸章陵修園廟舊宅觀田廬置酒作樂賞賜時宗室諸母因酣悅相與語曰文叔少時謹信與人不款曲唯直柔耳今乃能如此帝聞之大笑曰吾理天下亦欲以柔道行之

建武十九年幸汝南南頓縣舍置酒會賜吏人

按後漢書世祖本紀建武十九年秋九月南巡狩王申幸汝南南頓縣舍置酒會賜吏人復南頓田租歲建武二十五年春四夷朝貢絡繹而至帝命大會勞饗賜以珍寶

按後漢書世祖本紀不載 按冊府元龜云云

明帝永平二年西巡會郡縣吏勞賜作樂

按後漢書明帝本紀永平二年冬十月甲子西巡狩幸長安遂有事於十一陵歷覽館邑會郡縣吏勞賜作樂

永平三年幸章陵置酒會陰鄧故人

按後漢書明帝本紀永平三年冬十月甲子車駕從皇太后幸章陵觀舊廬

按冊府元龜永平三年從太后幸章陵觀舊廬置酒會陰鄧故人諸家子孫並受賞賜

永平十年南巡勞饗三老官屬



按後漢書明帝本紀永平十年閏四月甲午南巡狩幸南陽召校官弟子作雅樂奏鹿鳴帝自御塢筑和之以娛嘉賓還幸南頓勞饗三老官屬

章帝建初七年九月幸鄴勞饗魏郡守令以下十月西巡會郡縣吏人

按後漢書章帝本紀建初七年九月己酉幸鄴勞饗魏郡守令以下至於三老門闢走卒賜錢各有差冬十月癸丑西巡狩幸長安進幸槐里又幸長平東至高陵每所到幸輒會郡縣吏人勞賜作樂

元和二年東巡饗王侯羣臣

按後漢書章帝本紀元和二年春二月丙辰東巡狩幸未幸泰山進幸奉高大會外內羣臣

按開府元龜元和二年幸泰山遂觀東后饗賜王侯羣臣

和帝末元十四年春三月戊辰臨辟雍饗射

按後漢書和帝本紀云云

末元十五年冬十月戊申幸章陵癸丑會宗室於舊廬勞賜作樂

按後漢書和帝本紀云云

安帝永初三年十二月詔饗遣衛士勿設戲作樂

按後漢書安帝本紀不載 按通鑑綱目云云

延光三年春二月辛卯幸泰山癸巳勞賜郡縣作樂冬十月行幸長安丁亥會三輔守令掾史於長安作樂

按後漢書安帝本紀云云

順帝陽嘉元年春二月庚寅帝臨辟雍饗射

按後漢書順帝本紀云云

永和二年冬十月庚子幸未央宮會三輔郡守都尉及官屬勞賜作樂

按後漢書順帝本紀云云

漢安二年詔饗南單於於廣陽門外

按後漢書順帝本紀不載 按開府元龜漢安二年六月遣行中郎將持節護送南單於守義王兜樓歸南庭詔太常大鴻臚與諸國侍子於廣陽城門外祖會饗賜作樂角抵百戲帝幸觀之

桓帝延熹元年夏五月己酉大會公卿以下賞賜各有差

按後漢書桓帝本紀云云

獻帝建安十九年先主入蜀置酒大饗士卒

按後漢書獻帝本紀不載 按三國蜀志先主傳建安十九年夏雒城被進圍成都璋出降蜀中殷盛豐樂先主置酒大饗士卒取蜀城中金銀分賜將士還其穀帛

按開府元龜先主初入蜀於涪大會置酒作樂

魏

魏制元旦饗會仍用漢儀

按晉書禮志漢儀有正會禮正旦夜漏未盡七刻鐘鳴受賀公卿以下執贄來庭二千石以上升殿稱萬歲然後作樂宴饗魏武帝都鄴正會文昌殿用漢儀又設百華燈

按宋書禮志何承天云魏元會儀無存者案何禎許都賦曰元正大饗壇設西南旗幕峨峨檐宇弘深王沈正會賦又曰華屋映於飛雲朱幕張於前庭綬青帷於兩階象紫極之崢嶸延百辟於和門等尊卑而

奉璋此則大饗悉在城外不在宮內也臣按魏司空王朗奏事曰故事正月朔賀殿下設兩百華燈對於二階之間端門設庭燎火炬端門外設五尺三尺鐙月照星明雖夜猶晝矣如此則不在城外也何王二賦本不在洛京何云許都賦時在許昌也王賦又云朝四國於東巡亦賦許昌正會也

按南齊書禮志魏武都鄴正會用漢儀後魏文修洛陽宮室權都許昌宮殿狹小元日於城南立甍殿青帷以爲門設樂饗會後還洛陽依漢舊事

明帝青龍二年大饗六軍

按三國魏志明帝本紀青龍二年秋七月壬寅帝親御龍舟東征幸壽春八月己未大曜兵饗六軍遣使者持節犒勞合肥壽春諸軍

齊王正始六年詔大會太傅乘輿上殿

按三國魏志齊王本紀正始六年十二月乙亥詔曰明日大會羣臣其令太傅乘輿上殿

高貴鄉公正元元年大會羣臣

按三國魏志高貴鄉公本紀不載 按晉書景帝本紀正元元年及將大會帝訓於天子曰夫聖王重始正本敬初古人所慎也明當大會萬衆瞻穆穆之容公卿聽玉振之音雖禮儀周備猶宜加之以祗恪以副四海順順式仰

甘露元年宴羣臣於太極東堂詔遣使大饗將士

按三國魏志高貴鄉公本紀甘露元年秋七月鄧艾大破蜀大將姜維於上邽詔曰兵未極武醜虜摧破斬首獲生動以萬計自頃戰克無如此者今遣使者犒賜將士大會臨饗飲宴終日稱朕意焉

魏氏春秋曰二月丙辰帝宴羣臣於太極東堂與侍中荀顗尚書崔贊袁亮鍾毓給事中中書令虞松等並講述禮典遂言帝王優劣之差

陳留王咸熙二年吳遣使請和司馬昭饗之

按三國魏志陳留王本紀咸熙二年夏四月吳遣使紀防弘璆請和

按吳志孫皓傳注干寶晉紀曰璆奉使如魏晉文王饗之百寮畢會使僕者告曰某者安樂公也某者匈奴單于也璆曰西王失土為君王所禮位同三代莫不感義匈奴邊塞難羈之國君王懷之親在坐席此誠威恩遠著文王善之厚為之禮

吳

吳主皓每宴會置司過吏十人

按三國吳志孫皓傳初皓每宴會羣臣無不咸令沈醉置黃門郎十人特不與酒侍立終日為司過之吏宴罷之後各奏其闕失近視之咎謬言之愆罔有不舉大者即加威刑小者輒以為罪

晉

武帝咸寧 年定宴饗之禮

按晉書武帝本紀不載 按禮志晉氏受命武帝更定元會儀咸寧注是也元會皇帝罷入百官皆坐御入後三刻又出鐘鼓作謁者僕射跪奏請羣臣上謁者引王公二千石上殿千石六百石停本位謁者引王詣綸酌壽酒跪授侍中侍中跪置御坐前王還王自酌置位前謁者跪奏藩王臣某等奉觴再拜上千萬歲四廂樂作百官再拜已飲又再拜謁者引王等還本位陛下者傳就席羣臣皆跪諾侍中中書令尚

書令各於殿上上壽酒登歌樂升太官又行御酒御酒升階太官令跪授侍郎侍郎跪進御坐前乃行百官酒太樂令跪奏奏登歌三終乃降太官令跪請具御飯到階羣臣皆起太官令持羹跪授司徒持飯跪授大司農尚食持案並授持節持節跪進御坐前羣臣就席太樂令跪奏奏食畢太官行百官飯案遍食畢太樂令跪奏請進樂樂以次作鼓吹令又前跪奏請以次進衆妓乃名諸郡計吏前受勅戒於階下宴樂畢謁者一人跪奏請罷退鐘鼓作羣臣北面再拜出又晉冬至日受方國及百僚稱賀因小會其儀亞於獻歲之旦

太康元年臨軒大會

按晉書武帝本紀太康元年夏五月丙寅帝臨軒大會引孫皓升殿羣臣咸稱萬歲

明帝太寧元年三月戊寅朔改元臨軒停饗宴之禮

懋而不樂

按晉書明帝本紀云云

太寧二年春正月丁丑帝臨朝停饗宴之禮懋而不樂

樂

按晉書明帝本紀云云

成帝咸和五年冬十月丁丑幸司徒王導第置酒大會

按晉書成帝本紀云云

咸和八年詔大饗新宮

按晉書成帝本紀咸和七年十二月庚戌帝遷於新宮八年春正月辛亥朔詔曰昔大賊縱暴宮室焚蕩

元惡雖翦未暇營樂有司屢陳朝會逼狹遂作斯宮

子來之勞不日而成既獲臨御大饗羣后九賓充庭百官象物知君子勤禮小人盡力矣思獨密網咸同斯會

咸康七年詔除正會諸伎樂

按晉書成帝本紀咸康七年冬十二月癸酉除樂府雜伎 按樂志咸康七年尚書蔡謨奏八年正會儀注惟作鼓吹鐘鼓其餘伎樂盡不作侍中張澄給事黃門侍郎陳遠駁以為王者觀時設教至於吉凶殊斷不易之道也今四方觀禮陵有儀用之位庭奏宮懸之樂二禮兼用哀樂不分體國經制莫大於此詔曰今既以天下體大禮從權宜三正之響宜盡用吉禮也至娛耳目之樂所不忍聞故闕之耳事之大者不過上壽酒稱萬歲已許其大不足復闕鐘鼓鼓吹也若元日大饗萬國朝宗庭殿鐘鼓之奏遂闕起居之節朝無磬制之音實無蹈履之度其於義事不亦闕乎惟可量輕重以制事於是除高絃紫鹿歧行鼙食及齊王捲衣竿兒等樂

簡文帝咸安二年遣使宣詔大饗

按晉書簡文帝本紀咸安二年三月癸丑詔曰每念干戈未戢公私疲悴藩鎮有疆理之務征伐懷東山之勤或白首戎陣忠勞未叙或行役彌久擔石靡儲何嘗不昧旦晨興夜分忘寢雖未能撫而巡之且欲達其此心可遣大使詣大司馬并問方伯逮於邊戍宣詔大饗求其所安又善量賜給悉令周普

宋

文帝元嘉四年饗父老舊勳於丹徒行宮 按宋書文帝本紀不載 按禮志元嘉四年二月己

卯太祖東巡丁卯至丹徒三月甲戌辛丹徒離宮乙亥饗父老舊勳於丹徒行宮加賜衣裳各有差

元嘉十一年皇太子出會升在三格上

按宋書文帝本紀不載 按禮志晉江左注皇太子出會者則在三格下王公上宋文帝元嘉十一年升在三格上

元嘉十五年宴羣臣於太極殿西堂

按宋書文帝本紀不載 按禮志元嘉十五年四月皇太子納妃其月壬戌於太極殿西堂叙宴二宮殿主副司徒征北鎮南三府佐揚兗江三州綱彭城江夏南譙始興武陵廬陵南豐七國侍郎以上諸二千石在都邑者並預會又詔今小會可停妓樂時有臨川曹太妃服

元嘉二十六年車駕幸丹徒饗燕故老

按宋書文帝本紀元嘉二十六年春二月己亥車駕陸道幸丹徒謁京陵三月丁巳詔曰朕違北京二十餘載雖云密邇瞻塗莫從今因四表無塵時和歲稔復獲拜奉舊坐展罔極之恩饗燕故老申追遠之懷固以義兼於桑梓情加於過沛末言慷慨感慰實深宜事宣仁惠覃被率土其復丹徒縣僑舊今歲租布之半 按禮志元嘉二十六年二月上東巡辛丑幸京城丁巳會舊京故老萬餘人往還饗勞孤疾勤勞之家咸蒙卹賚

明帝泰豫元年皇太子會萬國於東宮

按宋書明帝本紀泰豫元年春正月甲寅朔上有疾不朝會戊午皇太子會萬國於東宮并受貢計

南齊

高帝建元元年秋九月戊申車駕幸宜武堂宴會詔諸王公以下賦詩

按南齊書高帝本紀云云

建元二年春三月己亥車駕幸樂遊苑宴王公以下賦詩

按南齊書高帝本紀云云

建元四年十二月詔緣淮戍將臨會

按南齊書武帝本紀建元四年冬十二月己丑詔曰緣淮戍將久處邊勞三元行始宜沾恩慶可遣中書舍人宣旨臨會

武帝末明二年青溪宮成詔小會設樂賦詩

按南齊書武帝本紀末明二年秋七月癸未詔曰夫樂所自生先哲垂誥禮不忘本積代同風是以漢光運回於南陽魏文殷勤於譙國青溪宮體天含暉則地棲寶光定靈源允集符命在昔期運初開經綸方遠繕築之勞我則未暇時流事往末惟哽咽朕以寡薄嗣奉鴻基思存緒構式表王迹考星創制揆日與功子來告畢規摹昭備宜申豐落之禮以暢慰慰之懷可克日小會八月丙午車駕幸舊宮小會設金石樂在位者賦詩  
末明四年閏正月甲寅以籍田禮畢車駕幸閱武堂勞酒小會  
按南齊書武帝本紀云云  
永明五年二月幸芳林園禋宴九月詔宴羣臣  
按南齊書武帝本紀末明五年二月戊子車駕幸芳林園禋宴九月己丑詔曰九日出商飴館登高宴羣臣辛卯車駕幸商飴館上所立在孫陵岡世呼爲

九日臺者也 按禮志三月三日曲水會古禋祭也

晉中朝云卿以下至於庶民皆祓洛水之側事見諸禋賦及夏仲御傳也趙王倫篡位三日會天淵池誅

張林懷帝亦會天淵池賦詩陸機云天淵池南石溝引御溝水池西積石爲殿堂跨水流杯飲酒亦不言

曲水元帝又詔罷三日弄具今相承爲百戲之具雕弄技巧增損無常

末明九年九月戊辰車駕幸琅邪城講武觀者傾都普頒酒肉

按南齊書武帝本紀云云

和帝中興元年夏五月乙卯車駕幸竹林寺禪房宴羣臣

按南齊書和帝本紀云云

梁制元會王公上壽計吏受詔聽陳便宜皇太子預會則劔履升坐

按南齊書武帝本紀云云

按隋書禮儀志梁元會之禮末明庭燎設文物充庭臺門闢禁衛皆嚴有司各從其事太階東置白獸樽羣臣及諸蕃客並集各從其班而拜侍中奏中嚴王公卿尹各執珪璧入拜畢帝興入徙御坐于西壁下東向設皇太子王公以下位又奏中嚴皇帝服通天冠升御坐王公上壽禮畢食畢樂伎奏太官進御酒主書賦黃甘逮二品以上尚書驛騎引計吏郡國各一人皆跪受詔侍中讀五條詔計吏每應諾訖令陳便宜者聽詣白獸樽以次還坐宴樂罷皇帝乘輿以入皇太子預會則劔履升坐會訖先興

武帝天監六年詔改元會坐次



按梁書武帝本紀不載 按隋書禮儀志天監六年

詔曰頃代以來元日朝畢次會羣臣則移就西壁下東向坐求之古義王者燕萬國唯應南面何更居東

面乎是御座南向以西方爲上皇太子以下在北壁坐者悉西邊東向尚書令以下在南方坐者悉東邊

西向舊元日御座東向酒壺在東壁下御座既南向乃詔壺于南蘭下

中大通二年設絲竹會祖送魏主 按梁書武帝本紀中大通二年六月丁巳遣魏太保

汝南王元悅還北爲魏主八月庚戌與駕幸德陽堂設絲竹會祖送魏主元悅

大同十年春三月庚戌幸回賓亭宴帝鄉故老 按梁書武帝本紀云云

太清元年五月丁酉與駕幸德陽堂宴羣臣設絲竹樂 按梁書武帝本紀云云

陳 武帝永定二年宴羣臣于太極殿東堂 按陳書武帝本紀永定二年冬十二月丙寅高祖于

太極殿東堂宴羣臣設金石之樂以路寢告成也 宣帝太建四年幸樂遊苑宴羣臣

太建八年詔大會文武 按陳書宣帝本紀太建八年夏四月甲寅詔曰元戎

凱旋羣師振旅旌功策賞宜有饗宴今月十七日可幸樂遊苑設絲竹之樂大會文武

後主至德三年宴王公卿士 按陳書後主本紀至德三年冬十二月辛卯皇太子

出太學講孝經戊戌講畢辛丑釋奠于先師禮畢設金石之樂會宴王公卿士

至德四年幸元武湖宴羣臣 按陳書後主本紀至德四年秋九月甲午與駕幸元

武湖肆筵設饌閱武宴羣臣賦詩 北魏 道武帝登國七年宴饗羣臣

按北魏書道武帝本紀登國七年春正月幸木根山遂次黑鹽池饗宴羣臣觀諸國貢使北之美水三月

甲子宴羣臣于水濱 登國八年秋七月車駕臨幸新壇庚寅宴羣臣

按北魏書道武帝本紀云云 皇始二年春正月己亥朔大饗羣臣于魯口

按北魏書道武帝本紀云云 天興元年冬十一月詔儀曹郎中董謐撰郊廟社稷

永興五年冬十一月癸酉大饗于西宮 按北魏書明元帝本紀云云

神瑞二年春二月丁亥大饗于西宮 按北魏書明元帝本紀云云

泰常五年饗勞將士 按北魏書明元帝本紀泰常五年春正月丙戌朔自

薛林東還至于屋寶城饗勞將士大酺二日班禽獸以賜之

泰常七年大饗于西宮 按北魏書明元帝本紀泰常七年春正月甲辰朔自

雲中西行幸屋寶城二月丙戌車駕還宮大饗于西宮 太武帝始光二年九月末安樂二殿成丁卯大饗

以落之 按北魏書太武帝本紀云云 神䴥四年春正月壬午車駕次于木根山大饗羣臣

按北魏書太武帝本紀云云 延和三年春正月乙未車駕次于女水大饗羣臣

按北魏書太武帝本紀云云 太延四年大饗六軍 按北魏書太武帝本紀太延四年秋七月壬午車駕

北伐冬十月乙丑大饗六軍 太延五年秋七月己巳車駕至上都屬國城大饗羣臣講武馬射

按北魏書太武帝本紀云云

太平眞君四年詔諸功臣隨時朝請宴饗

按北魏書太武帝本紀太平眞君四年冬十一月甲

山立甘露亭



子車駕至於朔方詔曰諸朕功臣勤勞日久皆當以爵歸第隨時朝請宴饗朕前論道陳謨而已不宜復煩以劇職

太平眞君五年春三月戊戌大會于那南池

接北魏書太武帝本紀云云

太平眞君十年春正月戊辰朔帝在漠南大饗百寮班賜有差

接北魏書太武帝本紀云云

正平元年春正月丙戌朔大會羣臣于江上

接北魏書太武帝本紀云云

文成帝太安四年二月大饗羣臣于碣石山下九月

太華殿成饗羣臣

接北魏書文成帝本紀太安四年春正月東巡二月

丙子登碣石山觀滄海大饗羣臣于山下九月辛亥

太華殿成丙寅饗羣臣大赦天下

孝文帝太和元年冬十月癸酉宴京邑耆老年七十

已上于太華殿

接北魏書孝文帝本紀云云

太和四年秋七月壬子改作東明觀詔會京師耆老

接北魏書孝文帝本紀云云

太和五年大饗羣臣

接北魏書孝文帝本紀太和五年秋九月庚午閏武于南郊大饗羣臣蕭道成使車僧朗以班在劉準使殷靈誕之後辭不就席劉準降人解奉君刃僧朗于會中詔誅奉君等

太和九年春正月癸未大饗羣臣于太華殿班賜皇

接北魏書孝文帝本紀云云

太和十年春正月癸亥朔帝始服袞冕朝饗萬國

接北魏書孝文帝本紀云云

太和十六年正月饗羣臣于太華殿十月太極殿成大饗羣臣

接北魏書孝文帝本紀太和十六年春正月戊午朔

饗羣臣于太華殿帝始爲王公典懋而不樂二月庚寅

太極殿成太極殿辛卯罷寒食饗冬十月庚戌太極殿成大饗羣臣

太和十七年正月帝饗百寮于太極殿五月宴四廟

子孫于宣文堂

接北魏書孝文帝本紀太和十七年春正月壬子朔

帝饗百寮于太極殿夏五月壬戌宴四廟子孫于宣

文堂帝親與之齒行家人之禮

太和十八年夏五月乙亥詔罷五月五日七月七日

饗

接北魏書孝文帝本紀云云

太和十九年春正月辛未朔朝饗羣臣于懸瓠八月

甲子引羣臣歷宴殿堂

接北魏書孝文帝本紀云云

按開府元龜太和十九年正月辛未車駕在懸瓠朝

饗羣臣於方丈行堂樂作酒酣乃歌曰白日光天兮

無不曜江左一隅獨未焰彭城王勰續歌曰願從聖

明今登衡會萬國馳誠混日外長兼給事黃門侍郎

鄭懿歌曰雲雷大振今天門闢率土來賓一正曆中

書侍郎兼黃門侍郎邢巒歌曰舜舞千羽兮天下歸

文德遠被莫不思祕書丞兼中書侍郎鄭道昭歌曰

皇風一鼓兮九地匝戴日依天清六合帝又歌曰遵

彼汝墳兮昔化貞未若今日道風明黃門侍郎兼司

徒左長史宋葉歌曰文王正教分暉江沼寧如大化

光四表帝謂道昭曰自北遷務雖猥與諸才雋不廢

詠歌遂命邢巒總集叙記八月甲子引羣臣歷宣政

堂初帝嘗詔延四廟之子下逮元孫之胄申宗宴於

皇信堂不以爵秩爲列悉序昭穆爲次用家人之禮

後又引見王公侍臣於清徽堂謂曰此堂成來未與

王公行宴樂之禮後東閣廡堂粗復始就故今與諸

賢欲無高而不昇無小而不入因之流化渠帝曰此

曲水者亦有其義取乾道曲成萬物無滯也次之洗

煩池帝曰此池中亦有佳魚任城王澄曰此所謂魚

在在藻有頌其首帝曰且取王在靈沼於物魚躍也

次之觀德殿帝曰射以觀德故遂命之次之凝間堂

帝曰名目要有其義此蓋取天子閒居義不可縱奢

以忘儉自安以忘危故此堂後作茅茨堂謂僕射李

冲曰此東曰步元廡西曰遊凱廡此堂雖無唐堯之

君卿等當無愧於元凱冲對曰臣既遭唐堯之君不

敢辭元凱之譽帝曰光景垂落朕同宗則有載考之

義卿等將出無遠何得默爾德音即命黃門郎崔光

郭祚通直郎邢巒崔林等賦詩言志燭至公卿辭退

李冲再拜上千萬歲壽帝曰卿何以燭至致辭復獻

朕千萬之壽朕報卿以南山之詩帝曰燭至辭退庶

姓之禮在夜載考宗族之義卿等且還朕與諸王宗

室欲成此夜飲

太和二十年宴羣臣及國老庶老于華林園

接北魏書孝文帝本紀太和二十年三月丙寅宴羣

臣及國老庶老于華林園詔國老黃耆以上假中散大夫郡守耆年以上假給事中縣令庶老直假郡縣各賜鳩杖衣裳

太和二十二年春正月癸未朔朝饗羣臣于新野行宮

按北魏書孝文帝本紀云云

太和二十三年春正月戊寅朔朝饗羣臣以帝疾瘳上壽大饗于澄鸞殿

按北魏書孝文帝本紀云云

宣武帝景明三年十二月壬寅饗羣臣于太極前殿

按北魏書宣武帝本紀云云

孝明帝熙平二年八月戊戌宴太祖以來宗室年十五以上于顯陽殿申家人之禮

按北魏書孝明帝本紀云云

前廢帝普泰元年夏四月癸卯幸華林都亭燕射

按北魏書前廢帝本紀云云

出帝太昌元年五月宴羣臣八月燕射九月復燕射

按北魏書出帝本紀太昌元年五月乙巳帝幸華林都亭宴羣臣八月壬戌朔齊文襄王來朝燕射班賚部下各有差九月庚子帝幸華林都亭引見元樹及公卿百寮蕃使督將等宴射班賚各有差

末熙二年正月大饗羣臣八月燕齊文襄王于華林都亭

按北魏書出帝本紀末熙二年春正月庚寅朔朝饗羣臣于太極殿秋八月乙丑齊文襄王來朝帝燕于華林都亭

北齊

後齊元正大饗百官皆預其宴宗室行無算爵元晦有汎舟之宴

按隋書禮儀志後齊元正大饗百官一品已下流外九品已上預會一品已下正三品已上開國公侯伯散品公侯及特命之官下代刺史並升殿從三品已下從九品已上及奉正使人比流官者在階下勳品已下端門外 宴宗室禮皇帝常服別殿西廂東向七廟子孫皆公服無官者單衣介幘集神武門宗室尊卑次于殿庭七十者二人扶拜八十者扶而不拜升殿就位皇帝與宗室伏皇帝坐乃興拜而坐尊者南面卑者北面皆以西爲上八十者一坐再至進絲竹之樂三爵畢宗室避席待詔而後復位乃行無算爵 正晦汎舟則皇帝乘輿鼓吹至行殿升御坐乘版輿以與王公登舟置酒非預汎者坐於便幕

文宣帝天保元年詔出魏御府所有珍奇以供宴賜

按北齊書文宣帝本紀天保元年秋七月詔曰古人鹿皮爲衣書囊成帳有懷盛德風流可想其魏御府所有珍奇雜絲常所不給人者徒爲蓄積命宜悉出送內後園以供七日宴賜

天保二年皇太子監國冬會以西面爲定制

按北齊書文宣帝本紀不載 按隋書禮儀志天保元年皇太子監國在西林園冬會羣議皆東面二年于北城第內冬會又議東面吏部郎陸印疑非禮魏收改爲西面邢子才議欲依前曰凡禮有同者不可令異詩說天子至于大夫皆乘四馬况以方面之少何可皆不同乎若太子定西面者王公卿大夫士復何面邪南面人君正位今一官之長無不南面太子

聽政亦南面坐議者言皆晉舊事太子在東宮西面爲避尊位非爲向臺殿也子才以爲東晉博議依漢魏之舊太子普臣四海不以爲嫌又何疑于東面禮世子絕旁親世子冠于阼冢子生接以太牢漢元著令太子絕馳道此皆禮同于君又晉王公世子攝命臨國乘七旒安車駕用三馬禮同三公近宋太子乘象輅皆有同處不以爲嫌况東面者君臣通禮獨何爲避明爲向臺所以然也近皇太子在西林園在於殿猶且東面於北城非宮殿之處更不得邪諸人以東面爲尊宴會避案燕禮燕義君位在東賓位則在西君位在阼階故有武王踐阼篇不在西也禮乘君之車不敢曠左君在惡空其位左亦在東不在西也君在阼夫人在房鄭注人君尊東也前代及今皇帝宴會接客亦東堂西面若以東面爲貴皇太子以儲后之禮監國之重別第宴臣實自得申其正位禮者皆東宮臣屬公卿接宴觀禮而已若以西面爲卑實是君之正位太公不肯北面說丹書西面則道之西面乃尊也君位南面有東有西何可皆避且事雖少異有可相比者周公臣也太子子也周公爲冢宰太子爲儲貳明堂尊於別第朝諸侯重於宴臣賓南面貴於東面臣疎于子冢宰輕于儲貳周公攝政得在明堂南面朝諸侯今太子監國不得於別第異宮東面宴客情所未安且君行以太子監國君宴不以公卿爲賓明父子無嫌君臣有嫌案儀注親王受詔冠婚皇子皇女皆東面今不約王公南面而獨約太子何所取邪議者南尊改就西面轉君位更非合禮方面既少難爲節文東西二面君臣通用太子宜然於

禮爲允魏收議云天保初皇太子監國冬會羣官於

西園都亭坐從東面義取於向中宮臺殿故也二年

於宮冬會坐乃東面收竊以爲疑前者遂有別議議

者同之邢尚書以前定東面之議復申本懷此乃國

之大禮無容不盡所見收以爲太子東宮位在於震

長子之義也案易八卦正位向中皇太子今居北城

於宮殿爲東北南面而坐於義爲背也前者立議據

東宮爲本又案東宮舊事太子宴會多以西面爲禮

此又成證非徒言也不言太子常無東南二面之坐

但用之有所至如西園東面所不疑也未知君臣車

服有同異之議何爲而發就如所云但知禮有同者

不可令異不知禮有異者不可令同苟別君臣同異

之禮恐重紙累札書不盡也子才竟執東面收執西

面援引經據大相往復其後竟從西面爲定

天保七年宴朝臣及禮學官于宮

按北齊書文宣帝本紀不載 按廢帝本紀天保七

年文宣召朝臣文學者及禮學官于宮宴會令以經

義相質親自臨聽太子手筆措問在坐莫不歎美

天保九年冬十一月甲午帝至自晉陽登三臺御乾

象殿朝讌羣臣並命賦詩

按北齊書文宣帝本紀云云

北周

孝閔帝元年春正月辛丑即天王位丁未會百官于

乾安殿班賞各有差三月庚子會文武百官班賜各

有差

芳林園

按北周書明帝本紀武成二年春正月癸丑朔大會

羣臣於紫極殿始用百戲焉三月辛酉重陽閣成會

羣公列將卿大夫及突厥使者於芳林園賜錢帛各

有差

武帝保定二年大會公卿列將

按北周書武帝本紀保定二年冬十月辛亥帝御大

武殿大射公卿列將皆會

天和元年會羣臣並京邑耆老

按北周書武帝本紀天和元年春正月辛巳露寢成

幸之令羣臣賦古詩京邑耆老並預會焉

天和三年春三月丁未大會百寮及四方賓客于露

寢

按北周書武帝本紀云云

建德三年正月大享督將以下十二月大會衛官及

軍人

按北周書武帝本紀建德三年春正月丙子享二十

四軍督將以下試以軍旅之法縱酒盡歡冬十二月

戊子大會衛官及軍人以上賜錢帛各有差

建德六年二月大會軍士以上四月大會羣臣及諸

蕃客

按北周書武帝本紀建德六年春正月平齊二月丙

午論定諸軍功勳置酒于齊太極殿會軍士以上班

賜有差夏四月庚戌大會羣臣及諸蕃客于露寢



欽定古今圖書集成經濟彙編禮儀典

第二百八十四卷目錄

宴饗部彙考四

隋高祖開皇九則 煬帝大業五則

唐高祖武德九則 太宗貞觀二十二則 高宗永徽三則 顯慶三則 龍朔一則 麟德一則 乾封一則 總章一則 咸亨三則 上元一則 儀鳳一則 調露一則 中宗開元一則 神龍一則 景龍三則 肅宗景雲一則 先天一則

禮儀典第二百八十四卷

宴饗部彙考四

隋

高祖開皇三年二月壬申宴北道勳人三月庚申宴百寮

按隋書高祖本紀云云

開皇四年四月宴突厥高麗吐谷渾使者八月宴百寮及陳使

按隋書高祖本紀開皇四年夏四月丁未宴突厥高麗吐谷渾使者於大興殿八月戊戌以秦王俊納妃

宴百寮丁未宴秦王官屬壬子享陳使

開皇七年宴韋師等於臥內並宴蒲州父老

按隋書高祖本紀開皇七年冬十月癸亥幸蒲州丙寅宴父老上極權曰此間人物衣服鮮麗容止閑雅

賈由仕宦之鄉陶染成俗也

按冊府元龜開皇七年二月壬申幸醴泉宮詔兵部尚書韋師與左僕射高穎上柱國韓擒虎等於臥內

賜宴令各叙舊事以為笑樂

開皇八年九月丁丑宴南征諸將頒賜各有差

按隋書高祖本紀云云

開皇九年夏四月庚戌上御廣陽門宴將士

按隋書高祖本紀云云

開皇十二年宴賜百寮

按隋書高祖本紀開皇十二年冬十一月辛亥有事於南郊壬子宴百寮頒賜各有差

開皇十三年二月戊子宴考使於嘉則殿

按隋書高祖本紀云云

開皇十七年二月宴羣臣五月復宴於玉女泉

按隋書高祖本紀開皇十七年二月壬寅河東王昭

納妃宴羣臣頒賜各有差五月宴百寮於玉女泉

開皇十九年春正月戊寅大射武德殿宴賜百官

按隋書高祖本紀云云

煬帝大業三年六月宴百寮七月宴啓民可汗及其

部落於榆林郡九月宴張衡宅

按隋書煬帝本紀大業三年夏四月北巡六月戊子

次榆林郡甲辰上御北樓觀漁於河以宴百寮秋七

月甲寅上於郡城東御大帳其下備儀衛建旌旗宴

啓民及其部落三千五百人奏百戲之樂八月壬午

車駕發榆林乙酉啓民飾廬清道以候乘輿帝幸其

帳啓民奉觴上壽宴賜極厚九月己未次濟源幸御

史大夫張衡宅宴饗極歡

大業五年二月宴者舊於武德殿五月宴羣臣六月

宴高昌王吐屯設於觀風行殿

按隋書煬帝本紀大業五年春二月丙辰宴者舊四

百人於武德殿頒賜各有差三月車駕西巡夏五月

壬午度星嶺甲申宴羣臣於金山之上六月丙辰上

御觀風行殿盛陳文物奏九部樂設魚龍曼延宴高

昌王吐屯設於殿上以寵異之其蠻夷陪列者二十

餘國

大業六年宴江淮以南父老

按隋書煬帝本紀大業六年春三月幸江都宮夏四

月丁未宴江淮以南父老頒賜各有差

大業七年大宴百寮

按隋書煬帝本紀大業七年二月己未上升鈞臺臨

楊子津大宴百寮頒賜各有差

大業十一年宴百寮大會蠻夷

按隋書煬帝本紀大業十一年春正月甲午朔大宴

百寮突厥新羅靺鞨大辭詞咄傳越鳥那曷波臘

吐火羅俱慮建忽論靺鞨訶多沛汗龜茲疎勒于闐

安國曹國何國穆國畢衣密失范延伽折契丹等國

並遣使朝貢乙卯大會蠻夷設魚龍曼延之樂頒賜

各有差

唐

高祖武德元年宴百官及突厥使者

按唐書高祖本紀不載 按舊唐書高祖本紀武德

元年夏五月丁卯宴百官於太極殿賜帛各有差

按冊府元龜武德元年五月戊申宴羣臣賜帛各有

差八月庚子設宴三品以上賜雜綵各有差十月宴

突厥使者奏九部樂於庭引骨咄祿特勒升御座以

寵之十一月己酉秦王降薛仁果帝聞大悅因置酒

高會奏九部樂賜羣臣錢各有差癸亥秦王凱旋獻

俘帝置酒宴師及骨咄祿特勒於元武門賜布帛各

有差戊辰宴羣臣十二月庚寅宴突厥骨咄祿特勒等於殿內

武德二年二月宴羣臣置酒高會並宴并州從官及涼州使人

按唐書高祖本紀不載 按冊府元龜武德二年二月癸巳宴羣臣臨奏九部樂賜錢各有差極歡而罷閏二月甲辰考羣臣以李綱孫伏伽爲上第置酒高會奏九部樂於庭帝謂裴寂曰隋末無道上下相蒙主則驕於臣唯詔依上不聞過下不盡忠致使社稷傾危身死匹夫之手朕撥亂反正念在安民平亂任武臣官方委文吏庶得各展器能以救不逮比每虛心接待冀聞謠言唯李綱苦盡忠款孫伏伽可謂誠直餘人猶踵弊風悅首而已豈朕所望哉當以身爲嬰兒方朕爲慈父有懷必盡有意必伸也帝頻舉觴以屬公卿君臣迭上壽極歡而罷賜帛有差四月甲辰遣大理卿郎楚之安撫山東夏侯端安撫淮左奏九部樂設宴遣之五月戊辰宴并州從官五品以上於仁壽宮極歡賜帛各有差丙寅奏九部樂於庭宴涼州使人官賞各有差

武德三年正月宴突厥四月宴羣臣五月秦王凱旋置酒高會六月大會東征將士宴從官於昆明池 按唐書高祖本紀不載 按冊府元龜武德三年正月甲午宴突厥奏九部樂於庭賜綵有差四月壬戌秦王平并州悉復故地帝大悅置酒含章殿宴羣臣極歡遣入御府賜綵皆盡重而出五月庚午宴突厥使奏九部樂於庭賜帛有差辛卯秦王平并州凱旋獻捷於太廟帝置酒高會極歡而罷六月丁酉宴

東征官寮奏九部樂帝親舉酒以屬百官極歡而罷己酉大會東征將士奏九部樂於庭癸丑幸昆明池宴從官賜錢各有差七月戊辰宴羣臣八月庚戌宴羣臣奏九部樂於庭賜布帛各有差

武德四年宴西突厥使又以王世充平大宴羣臣 按唐書高祖本紀不載 按舊唐書太宗本紀武德四年春二月太宗擒竇建德王世充降山東悉平太宗入據宮城大饗將士班賜有差夏六月凱旋俘二僞主及隋氏器物輦輅獻於太廟高祖大悅行飲至禮以享焉

按冊府元龜武德四年三月丁酉宴西突厥使之使奏九部樂於庭賜帛各有差五月癸亥宴五品以上奏九部樂於庭丁丑以王世充平宴羣臣賜帛各有差七月戊辰宴羣臣奏九部樂於庭帝舉酒屬百官極歡乃罷賜錢帛各有差

武德五年正月宴從官於昆明池三月宴羣臣及京城父老七月宴軍士 按唐書高祖本紀不載 按冊府元龜武德五年正月辛亥賜羣臣大射於元武門齊綵帛各有差壬子幸昆明池宴從官賜帛各有差三月己酉宴羣臣及京城父老賜帛各有差七月己酉秦王平王世充班師丙戌宴旋師賜帛各有差

武德六年三月宴百官於昆明池四月於舊宅置酒高會九月宴五品以上十月以有年復宴羣臣 按唐書高祖本紀不載 按舊唐書高祖本紀武德六年春三月乙未幸昆明池宴百官夏四月己未舊宅改爲通義宮於是置酒高會賜從官帛各有差

按冊府元龜武德六年三月己丑宴五品以上於昭德殿賜帛各有差九月丙子宴五品以上於內苑謂公卿曰昔漢高定天下以蕭曹張陳爲良佐任以政事朕應天命克平區宇仗任卿等自謂不謝古人因舉酒以屬羣臣極歡而罷十月甲辰以有年宴羣臣賜物各有差

武德七年二月宴突厥使三月宴從官於瑯琊公主第四月宴王公親屬於文明殿六月宴丘和及交州首領七月宴從官於東宮 按唐書高祖本紀不載 按冊府元龜武德七年二月宴突厥使者奏九部樂於庭三月己卯幸瑯琊公主第宴從官五品以上齊帛各有差四月癸卯宴羣臣奏九部樂賜帛各有差丙午宴王公親屬於文明殿帝見長平王太妃以屬從家人禮降階再拜酒小闌移坐翠華殿帝賦詩王公遞上壽賜帛各有差六月戊戌右武侯大將軍丘和以交州首領來朝奏九部樂以宴之七月壬子幸東宮宴從官下至胥徒頒賜各有差

武德八年宴五品以上及羣臣西蕃突厥諸使 按唐書高祖本紀不載 按冊府元龜武德八年正月甲寅幸秦王第謂羣臣曰朕以秦王有大功故於宮中立第以異之從是宴五品以上設奇技百戲賜帛各有差二月甲午幸齊王元吉第宴五品以上齊賜各有差三月丁酉宴羣臣於元武門陳倡優爛熳之伎四月丁未幸崔舉於殿門宴五品以上上頌者十餘人極歡而罷己丑宴西蕃突厥林邑使者奏九部樂於庭五月乙巳宴五品以上及外戚於內殿賦

古入圖書集卷之六

詩賜綵極歡而罷十二月辛巳車駕狩鳴犢泉廼宴從官賓物綵帛各有差

武德九年三月宴朝集使夏宴羣臣八月太宗即位宴羣臣於顯德殿

按唐書高祖本紀不載 按冊府元龜武德九年三月丙申宴朝集使於百福殿奏九部樂於庭五月乙卯宴羣臣六月癸亥以秦王爲太子宴羣臣賜帛各有差七月傳位於太子帝稱太上皇太宗以武德九年八月甲子即位甲戌宴羣臣於顯德殿前賜帛各有差

太宗貞觀元年宴羣臣始奏秦王破陣之曲 按唐書太宗本紀不載 按舊唐書音樂志貞觀元年宴羣臣始奏秦王破陣之曲太宗謂侍臣曰朕昔在藩屢有征討世間遂有此樂豈意今日登於雅樂然其發揚蹈厲雖異文容功業由之致有今日所以被於樂章示不忘於本也尚書右僕射封德彝進曰陛下以聖武戡難立極安人功成化定陳樂象德實弘濟之盛烈爲將來之壯觀文容習儀豈得爲比太宗曰朕雖以武功定天下終當以文德綏海內文武之道各隨其時公謂文容不如蹈厲斯爲過矣德彝頓首曰臣不敏不足以知之

貞觀二年宴五品以上及羣臣 按唐書太宗本紀貞觀二年六月庚寅皇太子治生宴五品以上賜帛有差按冊府元龜貞觀二年五月丙辰以夏麥大稔宴羣臣奏九部樂於庭賜物各有差九月壬子宴羣臣奏九部樂賜帛各有差賜天下大酺三日慶有年也十一月甲子宴羣臣賜帛各有差

貞觀三年宴突利可汗及羣臣三品以上 按唐書太宗本紀不載 按冊府元龜貞觀三年正月甲子宴羣臣奏九部樂歌太平舞獅子於庭賜帛有差三月甲辰賜羣臣大射於元德門十一月戊辰宴五品以上於內殿帝謂羣臣曰李靖奮忠勇長驅深入預利奔竄天下無事豈不樂哉於是極歡而罷戊子宴突利可汗及羣臣三品以上於中華殿帝賦七言詩極歡而罷賜雜絲各有差

貞觀四年宴二品以上及羣臣從官並武功父老 按唐書太宗本紀不載 按冊府元龜貞觀四年二月己酉宴三品以上於中華殿三月戊辰宴三品以上於林光殿賜物各有差七月壬辰宴羣臣於芳華殿奏九部樂於庭帝大悅親舉酒以屬羣臣羣臣奉觴稱慶極歡而罷賜帛各有差九月幸隴州丁巳次武功宴從官及武功父老賜帛各有差十月乙未皇子誕育宴三品以上於臨華殿賜帛各有差

貞觀五年正月宴羣臣於昆明池置酒太安宮極歡而罷 按唐書太宗本紀不載 按冊府元龜貞觀五年正月癸酉大蒐於昆明池甲戌宴羣臣奏九部樂歌太平舞獅子賜從官帛各有差己卯太上皇詔帝與近臣十許人汎舟於後園絲竹遞奏至於大安宮置酒甚歡至夜而罷三月癸亥賜文武五品以上射於武德殿四月甲申宴羣臣賜帛各有差九月乙丑賜羣臣大射於武德殿十一月己卯宴羣臣賜帛各有差又武德九年傳位於太子帝稱太上皇後四年乃徙居大安宮太宗親待輿贊百寮陪從太上皇甚悅置酒高會極歡而罷賜物各有差太宗後與公卿謁太上皇於戟武殿復置酒爲歡謂羣臣曰天下無事四海乂安非吾付囑得所吾兒孝順安能至此乎明日復召貴臣十餘人爰及妃子置酒於凌烟閣酒酣太上皇親彈琵琶太宗起舞公卿上壽乙夜方散賜帛各有差

貞觀六年宴蠻夷及三品以上並東宮官屬從官父老 按唐書太宗本紀不載 按舊唐書音樂志貞觀六年太宗行幸慶善宮宴從臣於渭水之濱賦詩十韻其宮即太宗降誕之所車駕臨幸每特威慶賞賜間里有同漢之宛沛焉於是起居郎呂才以御製詩等於樂府被之管絃名爲功成慶善樂之曲令兒童八佾皆進德冠紫袴褶爲九功之舞冬至享燕及國有大慶與七德之舞偕奏於庭

按冊府元龜貞觀六年正月甲戌宴蠻夷及三品以上於百福殿賜物各有差二月丙辰賜羣臣大射於武德殿戊辰幸九成宮戊寅宴三品以上於丹霄殿賜從官帛各有差七月辛未宴三品以上於丹霄殿帝從容曰中夏乂安四夷賓服此公卿盡忠之效也朕實嘉之然煬帝咸加中國頡利跨有北荒葉護國富兵精雄據西域此三君者可謂盛矣失道怙亂奄致亡滅朕目睹其事何能不戒懼也公等輔導朕躬績已成矣當思長世之策以相敦勉於是賜帛各有差閏八月己卯宴近臣於丹霄殿樓帝甚歡夜分乃散各賜錢帛有差九月帝在九成宮丙申以皇太子



來朝宴東宮官屬賜帛各有差乙巳宴岐州父老賜帛各有差己酉至慶善宮宴三品以上於渭水之濱帝甚歡賦五言詩庚戌宴從官故老賜帛各有差貞觀七年賜宴三品以上及州牧蠻夷酋長於元武門

按唐書太宗本紀不載 按冊府元龜貞觀七年正月癸巳宴三品以上及州牧蠻夷酋長於元武門帝謂侍臣曰四海和平天下同樂自古帝王罕得事父太上皇萬福膝下之歡有倍常慶於是奏七德九功之舞觀者觀其抑揚蹈厲莫不扼腕踴躍惕然震悚武臣列將咸上壽曰此舞皆是陛下百戰百勝之形容羣臣咸稱萬歲蠻夷十餘種自請率舞詔許之久而乃罷賜帛各有差

貞觀八年三月高祖宴笑厥使者於兩儀殿親勞將士還置酒未央宮

按唐書太宗本紀不載 按舊唐書高祖本紀貞觀八年二月甲戌高祖燕西突厥使者於兩儀殿顧謂長孫無忌曰當今蠻夷率服古未嘗有無忘上千萬歲壽高祖大悅以酒賜太宗太宗又奉觴上壽流涕而言曰百姓獲安四夷咸附皆奉遵聖旨豈臣之力於是太宗與文德皇后互進御膳井上服御衣物一同家人常禮是歲閱武於城西高祖親自臨視勞將士而還置酒於未央宮三品以上咸侍高祖命笑厥頤利可汗起舞又遣南越酋長馮智戴誄詩高祖大悅極夜方罷

貞觀九年以太子納妃賜宴羣臣

按唐書太宗本紀不載 按冊府元龜貞觀九年正

月甲申皇太子承乾納妃蘇氏宴羣臣賜帛各有差貞觀十一年宴五品以上及從官父老

按唐書太宗本紀不載 按冊府元龜貞觀十一年正月壬辰宴五品以上於兩儀殿賜帛各有差戊申帝將幸維陽宴長安父老於元武門賜以數帛三月戊子帝在維陽引五品以上射於儀鸞殿丙申宴從官賜物各有差庚子宴三品以上於西苑帝御龍舟汎於積翠池癸卯宴維陽父老於乾元殿賜以粟帛十月辛酉幸積翠池宴五品以上帝曰今茲年穀大登水潦不能為害天下既安邊方靜息因此農隙與公等舉酒酒既酣各宜賦一事帝賦尚書特進魏徵賦西漢十一月庚戌宴五品以上及蕃夷於貞觀殿奏九部樂賜帛各有差

貞觀十二年宴維陽父老及五品以上官

按唐書太宗本紀不載 按冊府元龜貞觀十二年

二月壬子宴維陽父老賜帛有差三月丙子以皇孫誕育宴五品以上於東宮

貞觀十三年正月庚子會羣臣奏功成慶善及破陣之樂

按唐書太宗本紀不載 按冊府元龜云云

貞觀十四年正月宴羣臣及吐谷渾河源王於元武門九月宴五品以上於兩儀殿

按唐書太宗本紀不載 按冊府元龜貞觀十四年正月己酉宴羣臣及吐谷渾王河源王慕容諾曷鉢於元武門奏倡優百戲之樂賜物各有差九月乙巳宴京官五品以上於兩儀殿奏九部之樂

貞觀十五年二月宴從官及宗姓高年於貞觀殿五

月賜宴於武成殿

按唐書太宗本紀不載 按舊唐書太宗本紀貞觀十五年三月戊申幸襄城宮庚午發襄城宮五月上於武成殿賜宴因從容謂侍臣曰朕少在太原喜羣聚博戲暑往寒逝將三十年矣時會中有舊識上者相與道舊以為笑樂因謂之曰他人之言或有面諛公等朕之故人實以告朕即日政教於百姓何如人間得無疾苦耶皆奏即日四海太平百姓歡樂陛下力也臣等餘年日惜一日但眷戀聖化不知疾苦因固請過并州上謂曰飛鳥過故鄉鄉鄰踴躍徘徊況朕於太原起義遂定天下復少小遊觀誠所不忘岱禮若畢或冀與公等相見於是賜物各有差

按冊府元龜貞觀十五年二月癸丑宴從官及山東宗姓維陽高年於貞觀殿奏九部樂賜帛各有差

貞觀十六年十月宴諸蕃使於兩儀殿十一月宴武功士女於慶善宮

按唐書太宗本紀不載 按舊唐書太宗本紀貞觀十六年冬十一月丙辰狩於岐山丁卯宴武功士女於慶善宮南門酒酣上與父老等涕泣論舊事老人等遞起為舞爭上萬歲壽上各盡一杯

按冊府元龜貞觀十六年三月戊午賜百寮大射於觀德殿十月庚子宴諸蕃使於兩儀殿帝謂沙鉢羅俟斤曰延陲本一部落俟斤本我所立始十餘年自算何如頤利之衆而侵我邊疆我纔發甲騎傾其部落爾欲與我為寇不過欲費我邊境十羊五馬耳今見爾遣使謝罪捨爾前過情好如初宴罷賜帛各有差十一月甲子幸慶善宮召武功之郿城立節三時



豐義四鄉士女七十以上及居官側數百人賜宴帝謂之曰朕幼遭隋亂櫛風沐雨飢不遑食以救蒼生百姓得無死亡二十餘年矣今重還舊鄉與父老相見此宮先皇所居朕之生處至此傷心觸物增感因泣下沾襟羣臣莫不欷歔又曰今詔父老言寡少自寬割耳又謂從臣曰人或時覽物不能自知朕昔在隋朝五品初不可望公等其時多有未仕朕今君臨四海公等並居高列君臣相遇千載一時朕與諸公各自知也遂縱酒盡歡其父老中或宿經役事或舊媼蒼頭皆舞蹈歡醉爭前上壽或因言屈滯者帝咸理之宴畢賜帛各有差其無官者並加泛級乙亥以輿駕還宮宴百寮奏十部樂先是伐高昌收其樂工付太常增九部樂爲十部

貞觀十七年六月賜并州父老宴閏月大饗百寮按唐書太宗本紀不載按開府元龜貞觀十七年六月甲午并州父老百餘人詣闕奏稱陛下肇開帝業發跡太原皇太子疏爵晉藩作牧并部臣等不勝慶幸今來奉賀帝賜宴及物以遺之閏六月庚申薛延陀可汗子突利設獻饌帝於相思殿大饗百寮盛陳寶器奏慶善破陣樂并十部之樂及撞求跳九舞劍之技突利設再拜上千萬歲壽賜金帛各有差十一月甲辰誕皇太子太孫宴百寮於弘教殿帝幸東宮自殿北門而入太子自投階下舞蹈稱萬歲帝謂宮臣曰頃來生業稍可非乏酒食而唐突公等宴會者朕甲館之慶故就公爲樂耳咸稱萬歲酒酣帝起舞羣臣並舞樂極而罷賜物各有差

貞觀十八年春宴諸蕃使及三品以上於元武門十月宴雍州父老於上林苑十一月宴雍州父老於儀鸞殿按唐書太宗本紀貞觀十八年冬十月癸卯宴雍州父老於上林苑賜粟絹十一月庚辰遣使巡問鄭汝懷澤四州高年宴賜之按開府元龜貞觀十八年正月丙戌宴諸蕃使於元武門賜物以遺之二月辛酉詔三品以上賜宴於元武門帝既工隸書又好飛白於王衡之間別更立意遂觸類增長精妙絕倫每有新奇羣臣無不下拜啓請是日帝操筆作飛白書羣臣乘酒就帝手中相競散騎常侍劉洎登御牀引手然後得之其不得者咸稱洎登御牀罪當死請引付法帝笑而言曰昔有婕妤辭輩今見常侍登牀五月甲戌詔司徒長孫無忌以下十餘人於丹霄殿賜宴各賜膜皮右衛大將軍薛萬徹預焉帝意在萬徹而誤呼其兄萬均愴然不樂曰萬均朕之勳舊不幸早亡朕不覺呼名豈其魂靈欲朕之賜也因令取皮呼萬均以同賜而焚之於前侍坐者無不感嘆十月癸卯宴雍州父老千一百人於上林苑帝謂之曰朕剪除喪亂海內久安百姓復業各循其理而遠東數域中國舊地莫離支復子野心虐弑其主朕欲存其國而弔其人所以將幸雍陽有事經略安復三韓之地一二年方還故詔父老別耳子孫從行者朕躬自巡撫勿以爲慮賜百歲以上氈袍袍各一疋帛十段粟十石九十以上帛五段粟五十石八十以上帛三段粟二十石十一月壬午宴雍州父老一百九十人於儀鸞殿班賜有差

宴會十一月大饗軍士詔定州孝行著聞者與宗姓老人同賜宴會十二月詔文武五品以上賜宴按唐書太宗本紀貞觀十九年二月庚戌發洛陽宮以伐高麗四月癸卯誓師於幽州大饗軍九月癸未班師十一月癸酉大饗軍於幽州

按開府元龜貞觀十九年十月征遼還大營州戊申詔本州刺史父老及契丹等蕃長首領宴會父老年七十以上契丹等蕃長以下各班賜綸綬數千萬段十一月癸酉帝至幽州幸城南大饗軍士勞之曰朕執賞罰之柄懸諸日月有功於國賞不踰時飲至之禮古今常事朕欲徧置酒殺咸宜樂飲甲戌宴從官三品以上賜物各有差丙戌迴幸定州時太子監國處定州詔定州管內孝行著聞者宜與宗姓老人同賜宴會十二月帝不豫步輦幸并州辛酉文武三品以上及中書門下四品以上以帝疾瘳詣闕上禮詔引文武五品以上賜宴遣皇太子宣旨曰臣之於君義猶父子朕頃遭腫疾見公等憂惶今者疾除復見公等喜悅此之忠烈簡在朕心不費上禮餽膳豐潔固不可獨進與公等同歡酒舉樂奏司徒長孫無忌以下更上千萬歲壽帝悉爲舉卮奏破陣樂舞復犯車撞九劍數百人齊作帝樂飲臣下極歡將夕乃罷賜物各有差

貞觀二十年正月宴從官及太原父老七月宴五品以上於飛霜殿十二月宴鐵勒迴紇俟利發等於芳蘭殿按唐書太宗本紀不載按舊唐書太宗本紀貞觀二十年春正月上在并州宴從官及起義元從賜粟

帛給復有差

按冊府元龜貞觀二十年正月庚辰引從官及太原父老而宴之賜物各有差七月辛亥帝疾愈宴五品以上於飛霜殿絲竹遞奏羣臣上壽極歡而罷賜綾錦各有差十二月庚辰以鐵勒迴紇侯利發等詣闕朝見宴於芳蘭殿恩賜甚渥仍勅所司加禮供給每五日一會

貞觀二十一年大宴鐵勒迴紇諸部

按唐書太宗本紀不載 按冊府元龜貞觀二十一年正月鐵勒迴紇諸部拔野古部同羅部思結部渾部斛薛部奚結部阿跋部契苾羽部白靺部其渠帥各率所部歸附及遣帝御天成殿陳十部樂宴而遣之設高估於殿前置銀瓶於估上自左閣內潛流酒泉通於估脚而涌殿前瓶中又置大銀盆其實百斛傾瓶注於盆中鐵勒數千人共飲其半雜類驚駭私相謂曰天子賜我曹此瓶還部落中傾之豈不嘗是酒也又詔文武五品以上令外廚給酒藏於尚書都堂以餞之

貞觀二十二年正月會四夷君長於天成殿二月宴西突厥賀魯於嘉壽殿十月宴五品以上於紫微殿按唐書太宗本紀不載 按冊府元龜貞觀二十二年正月乙未奏十部樂會四夷君長於天成殿王公稱觴上壽賜帛各有差二月丙寅朔朝集使奏辭引五品以上升殿宴四月乙亥西突厥賀魯以王師問罪龜茲固請前馳願爲鄉導仍以數十騎馳謁詔授昆丘道行軍總管宴之於嘉壽殿及文武三品畢景甚歡錫賀魯綾綵仍解所服之衣以賜十月己巳賜

丘道軍將阿史那社爾擊龜茲破之帝聞之大悅宴五品以上於紫微殿從容謂羣臣曰夫樂有數種至如土城竹馬遊戲阡陌之間此童幼之樂飾金翠曳羅綺此婦人之樂賤羅貴出貿遷有無此商賈之樂高官厚祿名位昭顯此仕進之樂受服出征前無勳敵此將帥之樂四海寧一六合無塵端拱巖廊社稷安因此帝王之樂也頃命將征西今已尅捷萬里清泰戰士咸得還家此朕爲樂之時因賜羣臣傾極歡而罷

貞觀二十三年宴饒新羅國王

按唐書太宗本紀不載 按冊府元龜貞觀二十三年二月癸巳特進新羅王金春秋還國令三品以上宴饒之優禮甚備

高宗末徵元年春正月壬寅御太極殿受朝而不會按唐書高宗本紀不載 按舊唐書高宗本紀云云末徵三年宴三品於百福殿

按唐書高宗本紀不載 按冊府元龜末徵三年二月甲辰宴三品於百福殿帝舉酒極歡賜以錦綵各有差甲寅京城百姓以歲旱帝避正寢撤膳遂降甘雨相率宴樂兼奏倡優百戲帝御安福門樓以觀之末徵五年四月癸巳宴文武羣官及麟遊縣老人於元武門賜物各有差

按唐書高宗本紀不載 按冊府元龜云云顯慶元年正月己卯宴文武羣官及朝集使蕃客京城老人八十以上賜物各有差

按唐書高宗本紀不載 按冊府元龜云云顯慶二年二月幸雒陽宮癸亥御貞觀殿宴從行文

經濟彙編禮儀典第二百八十四卷宴饗部

武官及雒州父老宗姓等賜物各有差

按唐書高宗本紀不載 按冊府元龜云云

顯慶五年二月宴從官及諸親并州官屬父老三月皇后宴親族鄰里會命婦十二月詔侍臣及蕃客夜

按唐書高宗本紀顯慶五年春正月甲子如并州三月丙午皇后宴親族鄰里於朝堂會命婦於內殿賜從官五品以上并州長史司馬勳一轉婦人八十以上版授郡君賜氈金布帛

按舊唐書高宗本紀顯慶五年二月至并州丙戌宴從官及諸親并州官屬父老賜帛有差

按冊府元龜顯慶五年二月會從官及諸親并州官屬父老等奏九部樂極歡而罷十二月辛未校獵於長社之安樂川丙子詔侍臣及蕃客夜讌帝賦詩以紀講習之事

龍朔元年勅設宴禮於沛王宅

按唐書高宗本紀不載 按舊唐書高宗本紀龍朔元年九月壬子勅中書門下五品以上諸司長官尚書省侍郎並諸親三等以上並詣沛王宅設宴禮奏九部樂禮畢賜帛雜綵等各有差

麟德元年幸舊宅宴羣臣

按唐書高宗本紀不載 按冊府元龜麟德元年八月丙子帝自萬年宮還便幸舊宅丁丑宴羣臣賜物有差

乾封元年大宴羣臣及諸岳牧